

Ingenieur V. Rosenberger
St. Feodor, 10, V. O.
Bolshej 5.

23 mars 1910
5 april

A s. prof. J. Peano
in Turin

Unior direktor estimat!

Votr letr datu 24 mars esar ricevud.
Ekultros mi no potes aprobar, ma otreflanke
mi no ar possibilitat responder kause ^{nie} (skri-
basion (e votr lektasion) de respond deman-
deris temp tro mult e noi es akupud.

Mi retromit korektur nited. Mi no ar
truvud erori ekseptu nemulti, kel mi ar notud.
Mi no potes judiciar di korektitet total kause
manuskript mark. Mi ar atuded manuskript,
ma usk sitempe it no ariv. Future mi
preg mitar korekturi ko manuskript e korekturi
esero retromited pokrove.

Mi preg evitar frasi "vos pote firma", "vos pote verte",
"vos pote publica" e s., ma esprimiar direkte votr desiri a
esar konvinsied ^{ke} mi es sempre parat sukursar.

Votr aglu devat

Rosenberger

P. S. Kuale mi deb kompender votr fras: Vos pote

publica rationes pro plurale in -i? Dufoa
mi ar mited a vo mie "rationes" (3 januar
e 6 mars) e omnidafaa vo ar retromited
mie "Opinioni". — Mi retromit a vo
opinion ultim datu 6/19 mars kause it aparten
a vo, it es ^{votr opinion} respond a votr interogasion. Mi
poses kopi de ist opinion e mi ar kopied
votr not relative kondision pro publica-
sion de kelkros in "Discussiones". Mi pensar,
ke pagasion de 10 franki pro ^{pagin}
es kondision sine qua non sale pro membri
korespondenti, ma sitempe mi vis, ke it kon-
serm et membri aktiv et membri de direktor ^{ed}
^{u ante-ultim (17 mars)} R

P. S. II. Ko letr ultim mi ar mited a vo
kupon de mie "Progres" ko anunsi di 3 diksionari de
Lidion Neutral (lingu de Akademii!) e mi pens, ke tal
anunsi deb esar plased (et gratis kuale in "Progres") in
plas bon de "Discussiones", — ko otr anunsi kon-
servant edisioni in lingu de Akademii, kel esar pla-
sed in N 2 sa pagin 15 (e in N 3 no esar plased). R